


# KOMMUNIMUT PILERSAARUMMUT TAPILUSSAQ 5C2-1

## Siorarsiorfimmi oqaluffeqarfik, Nuuk

Februaari 2018



KOMMUNEQARFIK SERMERSOOQ  
Sanarfinermut Avatangiisinullu Ingerlatsivik  
Forvaltning for Anlæg og Miljø

## **Kommunimut pilersaarummut tapiliusseq sunaava?**

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqtillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigit Kommunalbestyrelse sukumiisumik aalajangersagartalimmik kommunimut pilersaarummut tapiliortussaataitaavoq:

- Nuna tamakkerlugu pilersaarusiornerup kommunillu pilersaarusiornerata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit nunap assingi ilanngussat attuumassuteqartut, aalajangersagartaaniipput.

## **Tamanut nalunaarut**

Kommunimut pilersaarummut tapiliusseq 5C2-1 inaarutaasumik atuutilersutut tamanut nalunaarutigineqarpoq ulloq 14.03.2018.

**Kommuneqarfik Sermersooq  
Sanarfinermut Avatangiisinullu Ingerlatsivik  
Postboks 1005  
3900 Nuuk**

## **Pilersaarut sumi atuarneqarsinnaava?**

Pilersaarut Nunatta Atuagaateqarfiani imaluunniit kommunip nittartagaani [www.sermersooq.gl-imi](http://www.sermersooq.gl-imi) atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

**IMARISAI**


<b>1</b>	<b>NASSUIAAT</b>	<b>4</b>
1.1	PILERSAARUSIORFIK	4
1.2	SIUNERTAA TUNNGAVIILU	5
1.3	PISSUTSIT ATUUTTUT	5
1.4	PILERSAARUMMI PINGAARNERIT	6
1.5	PILERSAARUMMUT TAPILIUSSAP INATSISITIGUT ATUUFFII	6
<b>2</b>	<b>AALAJANGERSAKKAT</b>	<b>8</b>
2.1	PINGAARNERTUT AALAJANGERSAKKAT	8
2.2	AALAJANGERSAKKAT SUKUMIISUT	10
<b>3</b>	<b>AKUERSINERMUT UPPERNARSAAT</b>	<b>14</b>
<b>4</b>	<b>ASSI ILANNGUSSAQ</b>	<b>15</b>

# 1 NASSUIAAT









Una tapiliusseq immuni kommunimut pilersaarummut tapiliussat 37-saat uunga "Nuummur pingaarnertut aqqissuussaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atorineqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

## 1.1 PILERSAARUSIORFIK

Immikkoortoq Siorarsiorfiup kujammur kangiani qatsinnersami manissumi inissisimavoq. Immikkoortoq illoqarfiup ilaata nutaap aamma Kangerluarsunnguup kangisissuata immikkoortuinut atatitsisutut inissisimavoq.



### Ilisarnaatinut nassuiaatit

 Immikkoortup ilaa pioereersoq	 Inissiaqarfik A	 Nunaminertaq sanaartorfigeqqusaangitsaq D
 Immikkoortup ilaa nutaaq	 Siliffeqarfik B	 Teknikkikkut atororissaarutit kiisalu attaveqaatitigut atororissaarutit E
 Inissiat/illut pioereersut	 Illoqarfiup qeqqa C	



*Pioereersunut killigitit immikkoortullu ilaa nutaaq titarnernik aappaluttunik ilisarnaateqarput.*

Kommunimut pilersaarummut tapiliusseq, Kommuneqarfik Sermersuumut Kommunimut pilersaarummut 2028-mut ilaavoq taanna pingaarnertut

Siorarsiorfimmi inissianut atugassatut siunertaqarfittut naatsorsuunneqarpoq, qulaani assi takuuk.

Kommunimut pilersaarummut tapiliusaaq atorlugu immikkoortup ilaaniq nutaamik inissiisoqassaaq, immikkoortullu atuuffia qitiuffinngortinneqassalluni, oqaluffimmik allanillu qitiuffimmi atuuttunik ilaatigullu inissianik pilersitsinissamut periarfissalerlugu.

## 1.2 SIUNERTAA TUNNGAVIILU

Kommunimut pilersaarummut tapiliusaaq, piorsarsimassutsikkut atorneqartartunut soorlu oqaluffimmik, toqusut inaannik, toqusunik ikuallaavimmik, katersugaasivimmik, saqqummersitsivimmik takornariaqarnermut assigisaannullu tunngassutilinnik peqalernissap periarfissaanissaa siunertaralugu suliaavoq.

Kommunimut pilersaarummut tapiliussami tunngaviit tassaapput:

- Immikkoortup ilaata qitiusutut atorneqarnissaa aalajangiunniarlugu
- Piorsarsimassutsimut tunngasunik soorlu oqaluffimmik, toqusut inaannik, toqusunik ikuallaavimmik, katersugaasivimmik, saqqummersitsivimmik takornariaqarnermut assigisaannullu tunngassutilinnik peqalernissaaq periarfissaatinniarlugu
- Immikkoortup ilaani nunaminertat sanaartugassanut illulianullu atuuttuartussaangitsunut kisiannili utaqqiisaa siunertanut atorneqarnissaat qulakkeerneqassasoq,
- Pisiniarfiit, inuussutissarsiorfiit, nammineerluni inuussutissarsiorfiit inissiallu pilersinneqarsinnaanerisa periarfissaatinnissaat
- Immikkoortoq pisuinnaat aqputaat pioreersut immikkoortumilu isikkiviit eqqarsaatigalugit aalajangiiffigineqassasoq,
- Najugaqartunut illoqarfiullu innuttaanut uninngasarfiit illoqannginnersallu pitsaasuunissaat atorluarsinnaanissaallu qulakkiissallugit,
- Siorarsiorfimiit immikkoortumut aqquserngit pingaernerit aqputigineqarsinnaanissaat qularnaarneqassasoq, assi ilanngussaaq 5C2 takuuk.

## 1.3 PISSUTSIT ATUUTTUT

Immikkoortup ilaa katillugu 1,5 ha-mik nunaminertaqarpoq, Immikkoortoq Siorarsiorfiup ilaani kujammut kangiani nunami ammukajaajusumi inissisimavoq.

Sumiiffik ullumikkut sanaartorfigineqarsimangilaq.

#### 1.4 PILERSAARUMMI PINGAARNERIT

Kommunimut pilersaarummut tapiliusseq una atorlugu 5C2-mut sukumiisumik aalajangersakkat pingaarnert nutaat aalajangersarneqassapput.

Immikkoortup ilaata 5C2-p pilersaarusionera pingaarnertut Masterplan 2017 Nuuk City Development-imit aallaaveqarpoq, matumani qitiutinneqarnerulluni qitiusoqarfimmik nutaamik pilersitsinissaq, nutaamik qitiusoqarfiliornissaq sullissiveqarfitalimmik, Siorarsiorfimmi Nuullu sinnerani innuttaasunik sullissiveqarfissamik.

Kommunimut pilersaarutitut tapiliussap immikkoortup ilaata illoqarfiup qeqqani piorsarsimassutsikkut atuuttunut oqaluffimmut, toqusut inaannut, toqusunik ikuallaavimmut taakkulu atuuffiisa ilaannut soorlu silami oqaluffiup inissaa, toqusut inaat, toqusunik ikuallaavik, uninngaarfiit biilinullu inissiivinnut atorineqarnissaa aalajangersarpaa.

Piorsarsimassutsikkut atuuttut saniatigut nammineerluni inuusutissarsionermik siunertaqartut (pilersaarutininik suliaqarfik, qarasaasialerisut, eqqartuussissuserisut, illussanik titartaasartut, ingeniørnit, illunik tuniniaasartut, naatsorsueqqissaartartut assigisaallu), klinikkit (kigutilerisut, fodterapeutit, tarnip pissusaanik ilisimasallit assigisaallu), sullissiviit, pisortat allaffissorfiit assigisaallu aamma ilaatinneqqassapput.

Piorsarsimassutsikkut siunertanut atatillugu inissiat atorfillit najugarisartagaat aamma akuerineqarsinnaapput.

#### 1.5 PILERSAARUMMUT TAPILIUSSAP INATSISITIGUT ATUUFFII

##### **Inaarutaasumik inatsisitigut sunniutit**

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni. (*Pilersaarnermut inatsimmi § 29*)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akерliusumik pissutsinik pilersitsisoqassanngilaq. (*Pilersaarusionermut inatsimmi § 30*)

Pisulli ilaanni aalajangersakkanit sukumiisunit nikingasoornerit annikinnerusunut immikkut ittumik akuersissuteqartoqarsinnaasarpoo. Nikingasoornerit pingaarnert aamma aalajangersakkanit pingaarnert nikingasoornerit pissutigalugit nutaamik kommunimut pilersaarummut tapiliussaliortoqassaaq. (*Pilersaarusionermut inatsimmi § 50*)

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akерlianilli illunik atuinerit allannngortinneqarnerat

nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutilu pilersaarummi ilaatinneqartut, pilersinneqassasut.





## 2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusukkut allannguutitalik naapertorlugu aalajangersakkat tullinguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertit pilersaarummi tunngaviumik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

### 2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
<b>1. Siunertaq</b>	
Inissianut siunertat	<b>Nalinginnaasumik atuineq:</b> C – Qitiusumi siunertanut <b>Immikkut ittumik atuineq:</b> C2 – Ataatsimoorussiffissat



<b>2. Atorneqarnera</b>	
Sumiiffiup atuuffissaa inissiaqarfissanngorlugu aalajangersaaffigineqassaaq ammasunik pukkitsunik inissialiorfigalugu ilaqutariit ataatsit illuunik imaluunniit illunik affarleriinnik, inissianik eqimasunik pukkitsunik soorlu uiguleriiaanik assigisaannilluunniit aammalu inissiarsuarnik quleriiaanik.	Immikkoortup qeqqanut siunertarisat piorsarsimassutsimut aamma pisortat allaffissornerannut suliffeqarfiinullu atorneqassasoq aalajangiunneqarpoq. Immikkoortoq inissianut, pisiniarfinnut, nammineerluni inuussutissarsiuutinut, sullissivinnut aamma inuussutissarsiorfiit suliffeqarfiit mingutsitsinnginnerusut pisiniarfinnut assigisaannullu atasunut atorneqassaaq.
<b>3. Sanaartukkat</b>	
Nutaanik sanaartornermi, immikkoortup nunataata inissisimaneranik eqqarsaatiginnilluni ilusilersuisoqassaaq. Nutaamik sanaartorneq pisinnaaqullugu immikkoortoq tamakkerlugu ataatsimoortumik pilersaarusiortoqassaaq sunik sanaartortoqarnissaanik, qanoq annertutigisumik inissisimaffissaalu kiisalu immikkoortup allanngoriartorneranut sukumiisumik aalajangersakkat aalajangersarneqaqqaassapput.	Quleriit sisamat angullugit portutigisunik illuliortoqarsinnaavoq.
<b>4. Inissaqassuseq</b>	
Immikkoortup ilaa inissianut 6-800-nik amerlatigisunut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani illuliornissanut periarfissat nunguppata immikkoortup ilaa tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.	Immikkoortoq 1,5 ha-it missaannik annertussuseqarpoq. Immikkoortoq 3.000 m <sup>2</sup> -isut annertutigisumik sinneruttumik qitiusoqarfissamik inissianullu 10-nut inissaqarpoq, illut inaarutaasumik ilusilersorneqarnerat apeqqutaalluni. Matuma qulaani sanaartorfissat atorneqareerpata, immikkoortoq tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.
<b>5. Eriagisariaqartut</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
<b>6. Nunaminertat piumasaqaatitaqarfiusut</b>	
Immikkut ittunik killeqarfeqarpoq, mittarfiup tallilernerqarnerani mikkiartornermi qangattalernermilu killeqarfiit silarleq ilorlerlu atuupput akornutaasoqaqunagu. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut	Immikkut ittunik killeqarfeqarpoq, mittarfiup tallilernerqarnerani mikkiartornermi qangattalernermilu killeqarfiit silarleq ilorlerlu atuupput akornutaannginnissaannut piumasaqaatinit appasinnerusumiippoq, piumasaqaateqarfiullu titarnerup silarliup (koniske

127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.	flade) iluaniilluni, illut aamma atortulersuutit nunamiit uuttorlugu portunerpaaffii assigiinngillat killeqarfiulli ilorliup (horisontalfladen) avataaniillutik, tassa killeqarfiit ilorliup silarliullu akornaniillutik (positiv hældning).
<b>7. Aqqusinertigut angallaneq teknikkikkullu pilersuinerit</b>	
Immikkoortup ilaa Qinnngutsinniit Sullorsuakkut aqqusineqassaaq.	Immikkoortoq Siorarsiorfiup pingaarnertut aqqusernganiit aqqusineqassaaq – ilaatigut Qinnngutsinni Aqqusineq Dronning Margrethe II-miit tallineqartumit aallartissalluni.
<b>8. Illoqarfimmik nutarterineq</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
<b>9. Immikkoortukkaat</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

## 2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartutut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarluni. Immikkut pisoqartillugu, aalajangersakkanit sukumiisunit immikkut akuersissuteqartoqarsinnaavoq.

<b>Immikkuualuttoq 1</b>
<b>1. Inissialiat inissinneqarnerat</b>
<b>Imm. 1:</b> Sanaartukkat inissialiillu nutaat assimi ilanngussami 5C2-mi sanaartorfittut takutinneqartutut inissinneqassapput. Tamanna aamma illunut mikinerusunut soorlu sikkiliisivinnut, sakuusivinnut, teknikkimut atortuusivinnut/atortulersuutinut assigisaannullu atuuppoq.
<b>Imm. 2:</b> Sanaartukkat nutaat 1-4-nik qulereeqarsinnaapput, 16 meterinillu portunerpaaffeqassallutik: Oqaluffik, oqaluffiup napasuliaa allallu teknikkikkut ikkussukat silaannarissarfiit, elevatorit assigisaallu portussutsinik killilersuinerimut ilaanngillat.
<b>2. Inissialiat isikkui</b>
<b>Imm. 1:</b> Sanaartukkat nutaat seqernup, anorip isikkiviullu sammivii eqqarsaatigalugit ilusilersorneqassapput, kiisalu avatangiisit eqqarsaatigineqassallutik.
<b>Imm. 2:</b> Sanaartorfissani ataasiakkaani illuliat illulioriaaseq, atortussat qalipaatillu eqqarsaatigalugit ataatsimoortutut isikkoqartinneqassapput.
<b>Imm. 3:</b> Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, savimerngit, ujaqqat, zink, aluminium, sisak betoniluunniit atorlugit sanaajussapput. Eqqaamiut saneqquasullu eqqarsaatigalugit illut silataasa iigai qinngorneqarlutik inngianartuussanngillat.

**Imm. 4:** Qaliat qaavi minnerpaamik gradinik sisamanik uingatilugit aamma qalissiamik taartumik, zinkimik, kanngussamik, qisunnilluunniit qalliuserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsitsissanngillalli. Tamakkunanga ilanngutinngitsuukkat tassaasinnaapput aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.

Aniinganerusinnaasut, qaliat igalaarisinnaasaat assigisaallu qaliat qaavini naleqquttumik inissinneqassapput.

**Imm. 5:** Seqerngup qinngornerinik katersuissutit, seqinisaatit assigisaallu illup qaliata iigaataluunniit ilaatut ilanngunneqarsinnaapput aamma eqqaamiunut saneqquasunullu inngiasutsitsissanngillat, imm. 2.3 takuuk.

**Imm. 6:** Tummeqqat qalialiartarfiit illup timitaanut ilaatinneqassapput.

**Imm. 7:** Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Taamaattumik silaannarissarfiit motorii illumi illulluunniit silataanni takussaasumut inissinneqassanngillat.

**Imm. 8:** Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaasa 2 m<sup>2</sup>-it sinnissappassuk ikkussinissamut Kommuneqarfik Sermersuumut qinnuteqaateqartoqassaaq.

### 3. Aqquserngit aqqusineeqqallu

**Imm.1:** Siorarsiorfimmi pingaarnertut aqqusinermit aqqusineq aallartiffeqassaaq, nunap assinga 5C1-mi takutinneqartoq najoqqutassatut tunngavigalugu.

**Imm. 2:** Immikkoortut aqqusineeqqallu qanittumiittut atorneqartarnissaat qularnaarneqassaaq. Aqqusineeqqat sapinngisaq tamaat nunaareersumut naleqqussarneqassapput, taamaattorli tikikkuminarnissaat eqqarsaatigineqassaaq.

**Imm. 3:** Immikkoortumi kommunimut pilersaarummi aalajangersakkat nalinginnaasut naapertorlugit biilinut inissiisarfiliortoqassaaq.

Ataatsimut biilinut unittarfiliornermut tunngatilugu elbiilinut immiisarfissanik nappaasoqarnissaa periarfissaqassaaq.

Taamatuttaa qikkilinut inissiivimmik qulisamik naammaginatumik angissusilimmik pilersitsisoqassaaq.

**Imm. 4:** Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 20,0 meterinik qaninnerusumik aqqusernermut, immikkoortullu ilaanut aqqusernup qeqqanit 7,5 meterinik qaninnerusumut aqqusinerineqalersunut inissinneqassanngillat.

### 4. Nunaminertat sanaartorfigineqanngitsut sunngiffimmilu atortulersuutit

**Imm. 1:** Nunaminertat sanaartorfigineqarsimanngitsut sammisassanut assigiinngitsunut uninngaartarfittullu illoqarfiup inissaanut atatinneqartut aqqissorsorneqassapput. Nunaminertat sanaartorfigeqqusaanngitsutut uninngatitat sanaartorfigineqarsinnaanngillat, taamaallaalli ingerlatsinermut pisariaqartunik illunut atuuttunut tunngasunik sanaartorfiusinnaapput. Kisiannili utaqqiisaasumik atortorissaarusorlugu sumiiffimmilu piffissami killilimmi assigiinngitsunik illunik mikinerusunik pilerlugu aqqissuunneqarsinnaavoq.

<p><b>Imm. 2:</b> Immikkoortumut atuuttumut tunngassutilimmik najugaqartunut atuisunullu uninngaarfissaliortoqassaaq. Tamakku seqerngup sammivia uningaartarfiillu pitsaassusii eqqarsaatigalugit inissinneqassapput.</p> <p><b>Imm. 3:</b> Immikkoortut aqqusinernut, aqqusineeqqanut, biilnut inissiisarfinnut aamma ataatsimoorullugit uninngaartarfinnut atugassiissutigineqarsimanngitsut sanaartorfigineqassanngillat aammalu uninngaartarfinnut pinngortitatut isikkoqartutut atugassiissutigineqassallutik.</p>
<p><b>5. Teknikkimut atortulersuutit</b></p>
<p><b>Imm. 1:</b> Inissialiat nutaat pisortat innaallagissamut imermullu aqputaataannut aamma kuuffissuaataannut attavilerneqassapput.</p> <p><b>Imm. 2:</b> Imikoq qasertoq qernertorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.</p> <p><b>Imm. 3:</b> Pilersuineranut aqputit tamarmik nunap iluatigoortinneqassapput. Ledninginik inuup allap allanngortiterisinnaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.</p> <p><b>Imm. 4:</b> Immikkoortup ilaani teknikkikkut atortulersuutit immikkoortup ilaanik pilersuineranut atortut soorlu sakkortusaaviit, biilnut innaallagissamik ingerlatilinnut immiissutit assigisaallu inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut kusanaaqutaanngitsumik inissinneqassapput.</p>
<p><b>6. Nunaminertat sanaartorfigineqanngitsut</b></p>
<p><b>Imm. 1:</b> Illuliat nutaat sapinngisamik nunaareersumut naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.</p> <p><b>Imm. 2:</b> Assimi ilanngussami takutinneqartutut sanaartorfinni nunaminertanilu aqqusinernut, biilnut inissiisarfinnut assigisaannullu atorineqartuni pisariaqartinneqartumik nunagissaasoqarsinnaavoq.</p> <p><b>Imm. 3:</b> Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.</p> <p><b>Imm. 4:</b> Immikkoortup ilaa qaartiternerlukunik qaartiterinermi assartuinermiluunniit siammarsimasinnaasunik salinneqassaaq.</p> <p><b>Imm. 5:</b> Nunaminertat sanaartorfigineqanngitsut saligaatsuutinneqassapput eqqiluutsuutinneqarlutillu. Silami inaaliisoqaaqusaanngilaq.</p>
<p><b>7. Eriagisassaq</b></p>
<p><i>Immikkut ittunik aalajangersagaqanngilaq</i></p>
<p><b>8. Pinngortitap illersorneqarnissaanik soqutiginninnerit</b></p>
<p><i>Immikkut ittunik aalajangersagaqanngilaq</i></p>
<p><b>9. Nunaleraluni nunamik atuinissamik soqutiginninnerit</b></p>
<p><i>Immikkut ittunik aalajangersagaqanngilaq</i></p>

<b>10. Ataatsimut atortulersuutit</b>
<p><b>Imm. 1:</b> Immikkoortumi 3.3-mi biilnut inissiisarfiliornissat pillugit aalajangersakkat takukkit.</p> <p><b>Imm. 2:</b> Immikkoortut 4.1 aamma 4.2. aamma 4.3-mi silami uninngaarfii pillugit aalajangersakkat takukkit.</p>
<b>11. Piginnittut peqatigiiffii</b>
<p><b>Imm. 1:</b> Immikkoortup ilaani illut pillugit ataatsimut soqutigisanik isumaginnittussamik piginnittut peqatigiiffiannik pilersitsisoqassaaq. Illuutillit, namminersorlutik inuussutissarsiutillit illuutaat immikkoortullu ilaani atuuffiit allat ilaasortaasussaataapput (aamma piginneqatigiilluni inissiaatileqatigiit).</p> <p><b>Imm. 2:</b> Aqquserngit, aqqusineeqqat nunaminertallu sanaartorfigineqangitsut – aamma ukiuunerani – illulianut attuumassuteqartut peqatigiiffimmit isumagineqassapput.</p> <p><b>Imm. 3:</b> Peqatigiiffik kingusinnerpaamik pilersinneqassaaq sanaartorfimmi siulliulluni naammassineqartumi illulianik nutaanik naammassinninnerni atuilernernilu</p> <p><b>Imm. 4:</b> Peqatigiiffimmit sumi najugaqarneq ataavartumik Kommuneqarfik Sermersuumut nalunaarutigineqartassaaq.</p>
<b>12. Avatangiisnik mingutsitsinermit killissarititaasut</b>
<p><b>Imm. 1:</b> Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.</p> <p><b>Imm. 2:</b> Immikkoortup ilaani illut sukisaarsarfiillu nalinginnaasumik atorneqarnerannut ataatsimoortinneqarsinnaasunik namminersorluni inuussutissarsiutit atuuffiillu assigisaat taamaallaat naleqqussarneqarsinnaapput.</p>
<b>13. Illut nukissiuutinik atuinikitsut</b>
<i>Immikkut ittunik aalajangersagaqanngilaq</i>
<b>14. Atuinissamat piumasaqaatit</b>
<p><b>Imm. 1:</b> Ima pisoqaaqaartinnagu illuliat nutaat iserterfigineqassanngillat:</p> <ul style="list-style-type: none"> <li>• immikkoortoq 3 naapertorlugu biilnut inissiisarfiliaq piareerpat.</li> <li>• immikkoortoq 4 naapertorlugu nunaminertanik ataatsimoorussassanik pilersitsineq.</li> <li>• pisortat pilersuutaannut attavilerit.</li> <li>• inaarutaasumik nunagissaanerit naammassineqarnerat.</li> </ul> <p>Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.</p>

### 3 AKUERSINERMUT UPPERNARSAAT


Kommunit pilersaarummut tapiliussaq una 5C2-1 Siorarsiorfimmi oqaluffeqarfik, Nuuk, matumuuna Kommuneqarfik Sermersuup Kommunalbestyrelsianit akuersissutigineqarpoq ulloq 20.02.2018

Kommuneqarfik Sermersooq ulloq 113-2018




Asii Chemnitz Narup  
Borgmesteri

1



Lars Møller Sørensen  
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ  
Sanarfinermut Avatangiisinullu Ingerlatsivik  
Forvaltning for Anlæg og Miljø

Kommunimut pilersaarummut tapiliussaq 5C2-1  
Kommuneplantillæg 5C2-1

Ilangussaq I, Immikkoortoq 5C2  
Bilag I, Delområde 5C2  
Aggusti 2017 / August I 2017  
Uutuut I: 2.000 / Mål I: 2.000  
A4